

Visoki predstavnik proglasio ključne ekonomske zakone

Visoki predstavnik, Paddy Ashdown, donio je danas u formi zakona nacрте ključnih ekonomskih zakona koje su razmatrali prethodni sastavi parlamenata ali o koji nisu konačno usaglašeni. Pitanja koja ovise o ovim zakonima moraju se riješiti kako novi organi vlasti ne bi bili opterećeni nedovršenim poslom prethodnih organa vlasti.

Ovi zakoni će u znatnoj mjeri poboljšati poslovno okruženje u Bosni i Hercegovini, otvarajući put investitorima i poslovnim ljudima kako bi mogli pridonijeti stvaranju prosperiteta i otvoriti nova radna mjesta.

Ključni ekonomski zakoni koje je danas proglasio Visoki predstavnik su sljedeći:

- Zakon o komunikacijama BiH će omogućiti Regulatornom organu za komunikacije da regulira oblast telekomunikacijskih usluga, čime će se telefonske kompanije učiniti konkurentnijim, te smanjiti telefonski računi koje plaćaju pretplatnici
- Zakon o statistici će pomoći da se osigura da se sredstva dodjeljuju na odgovarajući način, obezbijavajući po prvi put tačnu statističku sliku BiH
- Zakon o zemljišnim knjigama Federacije i Zakon o zemljišnim knjigama RS će pojasniti vlasništvo nad zemljištem. Potpomaganjem rješavanja ovog pitanja učinit će se mnogo na otklanjanju jedne od poteškoća koje odvrćaju investitore
- Zakon o registraciji pravnih lica osnovanih od strane institucija BiH će pomoći da se normalizuje položaj ključnih institucija kao što su Regulatorna agencija za komunikacije (CRA), Neovisni sistemski operater za električnu energiju i Preduzeće za prenos električne

energije, Biroi zelene karte i Crveni krst

- Zakon o trezoru Federacije će uvesti više odgovornosti i transparentnosti u rad kantona i Federacije, čineći ih efikasnijim i odgovornijim
- Izmjene i dopune postojećeg Zakona o bankama Federacije će podići standarde te povjerenje investitora u bankarski sistem, a Zakon o bankama RS će omogućiti da se ostvari isto u Republici Srpskoj
- Izmjene i dopune Zakona o Federalnoj agenciji za bankarstvo i Zakona o Agenciji za bankarstvo RS će povećati ovlasti ovih agencija u izvršavanju njihovih dužnosti pri nadziranju bankarskog sistema
- Okončan je proces ukidanja Agencije za osiguranje depozita Federacije, otvarajući put za Agenciju na nivou BiH koja će biti u mogućnosti da štiti štedne depozite bh. građana u oba entiteta na efikasniji način.

Zajedno, ovi zakoni predstavljaju veliki korak ka stvaranju jedinstvenog ekonomskog prostora u Bosni i Hercegovini: stvaranje jedinstvenog ekonomskog prostora bi više od bilo čega drugog ohrabrilo investitore i poslovne ljude da svoje poslove prošire i na BiH. Ovi zakoni će olakšati osnivanje preduzeća u BiH, kao i dobijanje pozajmica i štednju novca. Vremenom, isti će doprinijeti liberalizaciji tržišta čime će se smanjiti troškovi javnih komunalnih usluga za građane.

Zakoni sami po sebi ne stvaraju radna mjesta. Ali zakoni mogu ili olakšati investitorima i poslovnim ljudima otvaranje radnih mjesta ili im to mogu otežati. BiH je suviše dugo vremena trpjela zbog zakona koji, umjesto da pomažu, podrivaju privatno poslovanje.